



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 94. Fidei Professio Bonifacii VIII. a Pontifice jurata.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

vit, qui rem penitus examinarent, ac de- Sæcul. XV.
mum cognita caussa, totam negotii sum- A.C. 1417.
mam eidem exponerent.

§. XCIII.

Sicaria cædes Constantiæ perpetrata.

Die septima Decembris hora septima matutina Sicarius quidam a Lucernensibus civibus, eoquod in quadam lite contra Benedictinos caussa cecidissent, ex condicto emissus, ejusdem Ordinis, ac urbis Priorem supra pontem Constantiensem trucidavit. Ille autem mox comprehensus, scelus suum confessus est, quo circa per plateam, ubi cædem perpetrabat, equi caudæ alligatus ad supplicii locum raptatus, crurifragio multatus est.

§. XCIV.

Fidei professio Bonifacii VIII. a Pon-
tifice jurata.

Die decima septima ejusdem Mensis *Vander*
Pontifex sonantibus tubis promulga- Hardt tom.
ri jussit, omnes ab eo gratiam petituri 4. p. 1497.
præfata die ad ejus palatum convenirent. *Idem t. 3.*
Ingens erat confluentium numerus, & p. 779.
Martinus Cardinalibus, Imperatore, Prin-
cipibus, atque Electoribus stipatus priva-
torum preces excipiebat, pluresque desu-
per Bullas expediri curabat. Postera die
sacrum Purpuraterum Senatum coegit,
in

Secul. XV. in quo professionem fidei olim a Bonifa-
A.C. 1417. cio VIII. editum jurato emisit, præsentibus Nationum Deputatis. Electoribus suis hac professione spopondit, quod bona Ecclesiæ nullo modo, nullove sub titulo, vel prætextu alienare, disciplinam autem Ecclesiasticam conservare, & quovis pacto labefactatam, adhibitis in consilium Cardinalibus, restituere velit; id tamen regulis Cancellariæ, quas condidit, refragari videtur. Ad idem quoque tempus refertur libellus Mauriti Pragensis, quem jussu Concilii contra Communionem sub utraque specie elucubravit, & præcipue adversus tractatum a Jacobello An. MCCCCXV. consarcinatum, in quo hunc usum defendere conatus fuit. Mauritius iisdem ferme cum Gersonio uititur argumentis, communiter afferri solitis. Scripturæ, Patrum, & Scholasticorum textibus a Jacobello pro Communione sub dupli specie allegatis respondebat, & rationes, seu potius abusus, ob quos Ecclesia usum calicis interdicere urgebatur, pluribus refert.

§. XCV.

Sessio quadragesima secunda.

Lahbe Conc. Die Martis 28. Decembris habita est
to. 12. p. 252. Sessio XLII. & prima, cui Martinus V. præsedit: Interfuit quoque Imperator cum